

CBETA電子佛典集成


CBETA Chinese Electronic Tripitaka Collection
ebook

X02n0201

五大牛玉雨寶陀羅尼儀軌

縛日羅枳惹曩譯

中華電子佛典協會



目次

- [編輯說明](#)
- [章節目次](#)
- [卷目次](#)
 - 1,
- [贊助資訊](#)

編輯說明

- 本電子書以「CBETA 電子佛典集成 Version 2023.Q1」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

爾時如來在金剛頂瑜伽祕密宮殿中。與微塵數諸大眾俱。宣說微妙甚深祕密。

爾時會中。有一菩薩摩訶薩。名曰虛空神通王。從座而起。頂禮佛足。白佛言。世尊。我於過去無量劫中。供養諸佛。修行最上祕密教法。為五大牛玉兩寶陀羅尼。是則一切諸佛世尊最深祕密微妙吉祥大寶庫藏。為濁世眾生等在家出家貧窮困苦薄福之類資具乏少所求願事不隨其意。令滿足一切所願。欲說此法。唯願世尊哀愍聽許。爾時如來讚言善哉。隨汝意說。我於往昔無數劫前。在因地時。發大誓願力。為諸眾生遍滿一切法界海中娑訶世界薄福下劣諸眾生等。願作大水牛玉銀蹄金角青瑠璃色青大勢力。周遍法界為諸眾生。隨類應現。作大饒益。如汝今日發弘誓願。汝欲說此兩寶陀羅尼者。是則諸佛最上祕密牛玉寶印。利益群生甚深祕術。

爾時祕大士虛空神通王菩薩。蒙佛許可。於如來前。而說偈言。

我依諸佛最上乘	祕密瑜伽名兩寶
為像末法薄福是	佛說成就甚深法
若有眾生無福惠	一切所欲不隨心
由此貧苦造惡業	墮在三途無出期
依我所說祕密法	修學兩寶陀羅尼
免脫貧窮困苦難	圓滿心中所求願
若我弘誓大悲中	一人不成二世願
我墮虛妄罪苦中	不還本覺捨大悲

說此偈已。即說呪法。二手外縛。二風豎相合。蹙如寶形。真言
唵縛日羅怛羅莎呵

又說根本陀羅尼金剛合掌。

唵半怛[仁-二+望]俐邪羅惹怛羅莎呵

次說五大牛玉根本心印明。先法界牛玉印。金剛外縛中指如針。真言。

唵縛日羅[金*(离-内+夕)]莎呵

次金剛牛玉印明。

金剛外縛直立忍願。偃仰進力。如三股杵形。真言。

唵縛日羅吽莎呵

次寶光牛玉印。

金剛外縛。立忍願。進力如寶形。真言。

唵縛日羅怛羅莎呵

次蓮華牛玉印明。

金剛外縛進力如蓮華形真言曰。

唵縛日羅訖哩莎呵

次羯磨牛玉印明。

金剛外縛立忍願面相合叉。戒方進力立互相叉。真言。

唵縛日羅惡莎呵

次說修行方法。

若欲修行此最上法。三業清淨。親對善師。受得儀軌。先應灌頂。

或於山間靜處。或於寺舍。隨所樂處。建立壇。作一方壇隨其大

小。於壇面方。安置尊像。

其形像法。

其身黃金色四臂一面。頂戴五牛玉。是五佛寶冠。左手捧日輪。右

手捧月輪。左手持如意寶形當心。右手作施無畏印。少許相去。當

在寶形。持誦者壇東對像念誦。以種種時華。散壇上。燒香燈明飯

食菓子。隨力所辦。以為供養。每入道場。對尊像五體投地。禮一

切佛及諸聖眾。即懺悔隨喜勸請發願已。然後結跏趺坐或半跏趺。

隨意而坐。端身正念。常以塗香用塗兩手。虔心合掌而誦淨三業真

言。

唵舜入第耨戍(引)馱曩(引)耶莎呵

次佛部心印明。

金剛合掌真言。

唵爾曩爾伽莎呵

次蓮華部心印明(金合)。

唵阿嚧力迦莎呵

次金剛部心印(金合)。

唵縛日羅地力迦莎呵

次被甲護身印明。

左右各作金剛拳。左拳安左腰。以右拳印五處。仍印額右肩左肩心

喉。真言。

唵步(引)入縛(二合)羅吽

次召請本尊印明。

二手內縛。舒右風少屈如鈎形召之三遍。真言曰。

唵[金*(离-内+攵)]吽怛羅(二合)訖里(二合)惡曳醯呬莎呵

次軍吒利身印明。

二手內縛。豎忍願頭相柱。舒進力以屈當忍願背不相著。作三股杵

形。真言曰。

唵阿密哩(二合)帝吽發吒莎呵

次獻闕伽水印。

壇上左右。各置一淨器滿盛香水。以為闕伽。初迎請時獻右邊者。後奉送時獻左邊者。奉獻時二羽捧闕伽器當額。即誦真言。浴本尊足。真言。

唵縛日羅那迦吒吽

次獻華座印。

二手虛心合掌作開敷蓮華八葉印當額。明曰。

唵迦摩羅莎呵

次普通供養印。

二雙合掌。以戒方二度外縛。以進力反蹙如寶形。結印已成。誦真言曰。

唵誡誡曩三(引)婆嚩縛日羅斛

想從印出生無量種種供具。香華燈明塗香飲食寶幢幡蓋一切寶物。奉供養本尊一切聖眾。

次結金剛合掌印。即誦大牛玉菩薩讚歎曰。

縛日羅(二合)羅怛曩(二合)素縛日羅(二合)羅他縛日羅(二合)迦捨摩訶摩拏阿(引)迦(引)捨藥婆縛日羅荼縛日羅藥婆曩謨率都帝

次羯磨印左拳印當心。空風相捻如寶形。右手作施願勢。觀想我身即同五大牛玉菩薩。真言。

唵[金*(离-内+攵)]吽怛羅訖哩惡憾莎呵

次結三昧耶印。

二雙外縛。進力反蹙如寶形。禪智並豎置於心上。真言。

唵縛日羅(二合)羅怛曩吽

即取水精念珠。安於掌中。當心誦加持念珠真言三遍。真言曰。

唵尾盧(引)石曩摩羅莎呵

然後發願。始自我身一切有情所希望事世間一切善願。以我念誦力速令成就。而下心上念誦。誦此真言。於七日中。滿三十萬遍。聖者即現持誦者前。隨心所求皆得成就。

若常持誦。每日三時。時別念誦一千八十遍。數滿一百萬遍。一切求願莫不成就。念誦分限畢。頂戴念珠祈請所求即安本處。

次奉送本尊印明。

二手外縛。豎二大指頭插華。誦真言。想念本尊送本土。真言曰。

唵縛日羅怛曩黎

次三部被甲如前。

我依如來加持力。說此甚深微妙法。若於像末不信人。不同其不莫授與。先擇弟子。其心操人所敬。有智惠。修四無量樂大乘。敬禮三寶兼濟心。從師入壇已灌頂。既蒙印可而修行。自恣。杖罔此深法。金剛薩埵冥治罰。孝養父母不懈怠。恭敬尊重阿闍梨。誠心信

受此大法。不生一念不信心。傳受已後專修此。誠心祈請所求願。本尊哀愍垂加護。悉地現前令滿足。若有來求無厭心。隨力所堪而施與。於傳受阿闍梨耶。奉獻珍寶。不惜身命。若有慳不行從此法。悉地不圓滿。忽忌宣傳於世間。毀謗罪故墮惡趣。由此印契祕。密故。六根罪障悉清淨。福智圓滿具大行。必證無上大菩提。牛玉雨寶陀羅尼儀軌

慈智上人黑谷示之。此法極密故絕不流行。而慈覺大師在唐時。為令此法令斷絕。雖傳受之深隱心腑。不敢披露俱能知彼器。可傳受之云云。

出自如意輪法中。

文保三年正月三日 以不退寺入真房本於東南院院主坊書寫之了莫出竹木目底

金剛資賴心(三十七二十二)

[CBETA 贊助資訊](#)

(<https://www.cbeta.org/donation/index.php>)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」－ CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

[前往捐款](#)

信用卡（單次 / 定期定額）捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

劃撥捐款

郵政劃撥帳號: 1 9 5 3 8 8 1 1

戶名: 財團法人西蓮教育基金會

欲指定特殊用途者, 請特別註明, 我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex- cheques, remittance, etc.,) please entitle to "The Seeland Education Foundation".
